



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 186. Quid circa redemptionem pensionis sit notandum.

urn:nbn:de:hbz:466:1-42600

pro tempore futuro priùs habendæ , moriatur, antequam executioni sit mandata , tum enim adhuc debet executor eam completere: si tamen fuisset conditionalis , & Papa ante conditionem impletam moreretur, pensio non haberet locum , *Luca* , *Leur.* q. 658.

§. V. Si pensio sit assignata Titio in utilitatem Caji, cessat moriente Cajo, nisi in aliud ante mortem transtulerit: Item cessat morientē Titio, nisi similiter in aliud transtulerit, *Paris. Az. Garc. Castrop. Lott. Ventrig. Vide Leur. q. 661. & seqq.*

§. VI. Cessat pensio ex parte vel ex toto , si pensionarius , qui illâ gaudet , remittat gratis , non interveniente pecuniâ vel re temporali , ut remittere potest , si non sit desuper ordinatus , *Az. Barb. Castrop. Tond. Lott. Luca. Vide Leur. q. 664. 665* Ex eo autem , quod pensionarius etiam 30. annis non exegerit , non semper præsumi potest remisisse , *Luca, Leur. q. 666* . Perdet autem possessionem exigendi , si beneficiatus neget solutionem , & pensionarius ad 10. annos nihil obmoveat , *Covar. Bartol. Bald.* , quamvis *Lott.* præterea requirat , ut aliquis tertius sit in possessione exigendi & accipiendi pensionem. *Vide Leur. q. 671.*

§. VII. Si pensio semel extincta sit , nequit reviviscere , etiamsi beneficiatus se denuo obliget ad solvendum , quia ut imponatur pensio , requiritur Superioris authoritas , *Luca, Ventrig. Leur. q. 670.*

Q. 186. Quid circa redemptionem pensionis sit notandum. R. Seqq.

§. I. Si pensio sit laico assignata tanquam merces laboris, v. g. pro cantu in choro, potest propriâ authoritate pecuniâ redimi , quia est quid merè temporale , nec ulla lex prohibet ejusmodi pensionem redimi , *Sot. Suar. Az. Garc. Less. Castrop. contra Barb. :*

580

Barb. : si autem sit pensio Ecclesiastica Clerico concessa , potest pensionarius etiam propriâ authoritate vendere omnes fructus ejus , etiam ad totam vitam proventuros, *Caj. Az. Bonac. Barb. Leur.* p. 3. q. 667. n. 2. Et consequenter posset suo modo quasi redimi pensio , si certæ pecuniæ darentur, quæ essent veluti anticipatæ solutiones vel 6. vel 7. annorum, consideratâ ætate & complexione pensionarii, re ipsa enim tunc tantum est contractus sponsionis , secundum proportionem spei lucri & metus damni, commutando solos fructus cum certa summa pecuniæ, interim pensio ipsa seu jus ad fructus remaneret penes pensionarium.

1183

§. II. Probabilius videtur , quod pensio ipsa secundum se non debeat sine authoritate Papæ redimi pecuniis , licet hæ dicantur esse velut anticipatæ aliquot annorum solutiones, *Nav. Gig. Paris. Az. Garc. Bonac. Barb. Lott. Leur.* n. 3. Ratio est, quia licet pensio forte non sit aliquid in se spirituale, secundum dicta n. 1118., tamen usus Curiæ Romanæ habet , ut non redimatur sine authoritate Papæ: Et ad hanc redemptionem requiri literas Apostolicas, & ante expeditas dari locum pœnitentiæ , docet *Lott.* Econtra sufficere solam signaturam supplicæ, docent *Corr. Tond. Luca.* Vide *Leur.* q. 669.

1184

§. III. Redemptio pensionis propriâ authoritate facta, secundum *Henriq. Laym. Garc. Tond. Lott. Luca* apud *Leur.* q. 668. est absolute simoniaca ; secundum *Az.* habet speciem simoniæ ; secundum *Gig. & Lott.* est saltem simoniaca , si pensio sit concessa in cessione vel resignatione beneficij , sed probabilius tenent plurimi cum *Diana* p. II. T. 5. R. 5. *Haun. de just.* T. 6. tr. 2. n. 564. nullo modo esse simoniacam, imò *Caj. Valent. Tol. Suar. Rayn. Lef. l. 2. c. 35. n. 124. Castrop.* T. 17. d. 3. p. 13. n. 10. *Pirb.* l. 5.

l. 5. t. 3. n. 18 dicunt nullum esse peccatum pensio-
nem jam antecedenter constitutam redimere, antici-
patè solvendo, tum quia tantùm emitur immunitas
ab obligatione quotannis solvendi pensionem, quæ
immunitas est quid merè temporale, tum etiam
quia pensio non est aliquid in se spirituale, neque
illius anticipata solutio invenitur ullâ lege prohibi-
ta, saltem non tanquam simoniaca, quamvis *Carbo*
dicat esse inobedientiam, si fiat; sed credo plerosque
ex adductis AA. tantùm velle licitum esse redimere
pensionem per anticipatas solutiones, eo modo,
quo dixi n. 1183. Et ita universaliter omnis pensio
potest pecuniâ redimi, exceptâ illâ, quæ datur in ti-
tulum beneficij ob aliquod ministerium spirituale
præstandum, aut Coadjutori Episcopi, aut Vicario
Parochi senis, ita *Sanch.* cum *Diana* p. 4. t. 4. R.
153. Sic etiam redimi potest, quæ conceditur seni
renuntianti beneficium Clerico pauperi in alimen-
tum; resignanti vel permutanti pinguis benefici-
um, dimittenti litem dubiam super beneficio.

§. IV. Est simonia, si tum, quando agitur de 1185
obtinenda vel reservanda pensione, ineatur pactum
redimendi illam, etiam illo modo, quo n. 1183.
explicatum est, quia esset pactum circa beneficium
tali modo & sub ea conditione obtainendum vel di-
mittendum, omne autem pactum in materia bene-
ficiaria est simoniacum, si propriâ authoritate fiat,
ut sèpe dictum est. Hinc pactum redemptionis, ut
licitum sit, debet sequi totam dispositionem circa
beneficium & constitutionem pensionis, *Suar.*

Laym. Less. Diana p. 10. T. 14. R. 1. C. 4-

Strop. n. II. Rayn. I. 2. f. 1. c. 10.

n. 17. Pirb. n. 119.